

Kenneth Croes a pone otro record

ORANJESTAD (AAN)- E super atleta Kenneth Croes a pone otro record ariba su nomber. Tabata Diadomingo ultimo den Lago Sport Park cu Kenneth a core 70 buelta den 2 ora y 30 minuut cu ta mas of menos 41 km.

Kenneth a core primeramente 68 buelta pa e distancia di 40 kilometro y despues a core dos buelta mas.

Sin duda e tereno di Lago Sport Park no tabata den su mihor forma y como tal Kenneth a confronta problema cu lodo, chock y duro na cierto lugar.

Masha poco vez caredanan marathon ta tuma lugar den

stadion, di mas hopi cu ta ser cori ariba pista ta 10 mil meter, y den e caso aki Kenneth a core

40 mil meter cu ta un record den 2or y 30 minuut.

E caredanan a ser cori for di

6or di mainta, pero asina cu dia a cuminza habri cu solo a sali

masha fuerte mes y a kima mas

cu nunca, pero Kenneth a logra su meta di core contra holoshi. Un otro hazaña di e gran atleta Kenneth Croes.